

奏

奏為恭報巡查北路事宜仰祈

睿鑒事竊奴才末慶等前將巡查南路臺鳳二縣治併

看過南路營操演及地方各情形業經恭摺

奏明在案茲奴才末慶等復於二月二十五日輕騎

減從前往巡查北路一帶地方自郡起程由臺

屬過新港溪入諸羅縣界過虎尾溪入彰化縣

界由彰化縣過大甲溪入淡水同知界至竹塹

城從竹塹沿海而南過諸溪由鹿仔鹽水各港

等處回程道逕紆折往返二十一日所到之處

接見同知知縣佐雜併營員等細詢地方俱皆

安靜奴才末慶等隨詳加指示併令其嚴查奸匪

巡臺臺灣給事中兼佐領奴才末慶御史臣李宜青謹

國立故宮博物院
NATIONAL PALACE MUSEUM



務使地方寧謐民番相安其北路協副將標下
諸彰竹塹各營俱隨地閱看操演陣勢技藝尚
俱嫻整可觀當卽嚴切告誡員弁必須共相奮
勉無怠操防二十七日在諸羅縣地方有阿裏
山等社生番男婦三十六名出山跪迎奴才求慶
等隨詢及該知縣稟稱此項生番雖歷年據冊
報輸餉而均不出山地方官亦向不許入內界
恐其性野滋事今該番等知感

皇上恩德聞巡察官員到境出山迎接奴才求慶等次
日教場閱看北路左營操演隨令通事帶領該
生番等在傍觀看軍容嚴肅旗幟鮮明奴才求慶
等申明法令佈揚

天威操畢當卽宣佈

皇上諭令該番等各安分自守不可妄行生事隨賞
以酒食併銀牌烟布等物詢其通事具稱衆番
均感

皇上生成之恩普被海外奴才求慶等雖不曉其番語

察看衆番情形甚屬感激俯叩歡忭且見鎗炮



轟震莫不悚懾隨令該通土仍送回山至北路
廳縣所屬各熟番大小共七十餘社奴才永慶等
沿途巡歷到處各社通土俱帶領該社熟番男
婦俯伏道左俱為恭順各番雖已剃頭辮髮率
皆文身髻耳男婦服飾各社斑駁異同惟各該
通土番童衣履率同漢人間有稍知漢話字義
者奴才永慶等就地開誠撫慰諭以

聖德覃敷無分民番一視同仁惠養群黎有加無已
爾番等毋得妄聽漢奸誘騙滋事其附近生番
各山隘口嚴加巡防各該番等均感戴聽命仍
皆以烟布羊酒等物量為犒賞沿途所過汛防
文武員弁逐加訓飭分防處所加意巡查以仰

副我

皇上綏輯海疆之至意巡視既訖於三月十六日回
署所有奴才永慶等巡視北路各緣由理合恭摺

奏報伏祈

皇上睿鑒謹

奏
丁奏保案






017343

乾隆貳拾玖年叁月

貳拾貳

日



國立故宮博物院
NATIONAL PALACE MUSEUM

